

جمعة ختام الصوم 2019

## خارج المحلة

تأمل من إنجيل القديس (لوقا 13) عن رفض الشر للخير، وإزاي ربنا بيستغل المبدأ ده لخير أعظم ... وإزاي نعيش خارج المحلة



### معنى المبدأ

إنجيل القديس، بيؤسس فيه الفريسيين مبدأ لئيم: خارج المحلة

لوقا 13 : 31

في ذلك اليوم تقدم بعض الفريسيين قائلين له: «اخرج واذهب من ههنا، لأن هيرودس يريد أن يقتلك»

كلمة (خارج المحلة) موجودة في عبرانيين 13 عن صليب ربنا يسوع لأنه اتصلب خارج أورشليم:

## عبرانيين 13 : 13

فلنخرج إذا إليه خارج المحلة حاملين عاره  
\* و احنا في أسبوع الآلام بنعمل كده و نصلي برة الهيكل

- هم كان قصدهم: ابعد بعيد عننا ... أحبوا الظلمة أكثر من النور لأن أعمالهم كانت شريرة ... حاولوا يخوفوا ربنا يسوع و يقولوا له: مالکش عيش ووسطينا
- و ده انطبق على ربنا يسوع من ميلاده:  
1. مالوش بيت يتولد فيه ... اتولد في مزود  
2. هيرودس الكبير كان عايز يقتله (عشان كده جه مصر و هو صغير)  
3. رجع من مصر على منطقة مرفوضة: الجليل (بين الأمم و اليهود) ... عشان ربنا عايز يقبل الجميع (جليل الأمم الشعب السالك في الظلمة أبصر نورا عظيما. الجالسون في أرض ظلال الموت أشرق عليهم نور)

دوام هذا المبدأ 

- المبدأ ده دائماً بيتعامل بيه الشر مع الخير: مش عايزك معايا.
- ليه الشر بيكره الخير؟ لأن الإنسان الشرير يحب الظلمة لأنه مش عايز النور يوبّخه ... و الشيطان عايز كده (الناس تعيش في الظلمة).
- ما أصعب المبدأ ده لما يتعمل من القريبين (جروح الأحباء)!

تعامل ربنا مع هذا المبدأ 

- ربنا بيستغل المبدأ ده ليصنع أمراً أعظم (ربنا ما بيتغلبش)
- ربنا رد إنه هايكمل عمله طبعاً ... و رفض اليهود تحوّل لخلص الأمم ... و آمن بيه كثير من اليهود و الأمم في أوقات المئة (زي قائد المئة اللي طعنه و جنوده)
- و زي ما ربنا تمجّد بمبدأ خارج المحلة (رفض اليهود تحوّل لخلص الأمم), احنا كمان لو خرجنا خارج المحلة هانعمل انتصارات أعظم:
- زي يوسف العفيف: رفض إخوانه ليه اتحوّل للخير و لخلص العالم كله مش بس عيلته

## تكوين 50 : 20

أنتم قصدتم لي شرا, أما الله فقصد به خيرا, لكي يفعل كما اليوم, ليحيي شعبا كثيرا

## ✚ الخروج خارج المحلة

عشان نشوف ربنا لازم نخرج له خارج المحلة (جلسات هادئة و خلوات روحية خارج دوشة و زحمة الدنيا) حاملين صليبه ...  
القديسين عاشوا كده (زي البابا كيرلس اللي فضل الطاحونة على مجد زيارة الملوك) ... لأننا بنشوف يسوع نفسه

---

نرحب جداً بكل الوعظاء سواء اللي متسجلة لخدام في الكنيسة أو أي وعظة انت سمعتها و حابب تشاركها مع إخواتك ... لو سمعت وعظة حلوة تفيد  
الشمامسة من أي مرحلة عمرية ابعت لنا ✉

---